



Paarma Lund Kreutzmann
Inatsisartunut ilaasortaq
/Maani

**Meeqqap napparsimanerani sulinngittarneq pillugu § 37 naapertorlugu
apeqquteqaammut nr. 019 2026-mut akissut**

Allakkat ulluat: 15-04-2026
Suliap nr. 2026 - 4662
Akt id. 26277020

§ 37 naapertorlugu apeqquteqaatinut matuma kingulianiittunut akissut manna nassiunneqarpoq. Apeqqutit naalakkersuisoqarfinni suliassaqarfiit arlallit akornaniimmata, Naalakkersuisoqarfinnit allanit arlalinnit, matuma kinguliani allassimasutut akissutissanik piniartoqarpoq. Akissutissat piniarneqartut matuma kinguliani allassimapput, tassani tamakkiisunut isiginnittumik akissuteqarnissaq siunertaralugu Naalakkersuisoqarfinnit attuumassutilinnit ilassutissat ilai ataatsimoortinneqarlutik.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

1. Partiit aningaasanut inatsimmut 2026-imut isumaqatigiissutaanni 4.4.1-mi allassimavoq: "Naalakkersuisut ilisimavaat ilaqutariinni sinaakkutit nikittorsarnissaannut aamma Kalalliit Nunaanni ilaqutariit meerartalinnut atugarisaasut pilerinartut qulakkeerneqarnissaannut pisariaqartitsineq, kiisalu ataatsimut isigalugu aaqqiissusseqqinneq siunertaralugu ernereermermi sulinngiffeqartarneq pillugu inatsit atuuttoq misissussallugu suliniuteqarneq aallartereerlugu. Pitsanngorsaaniissamut, kiisalu siunissami inatsimmik allannguiniissamut tunngavimmik pilersitsiniissamut inatsisitigut aamma aningaasaqarnikkut periarfissat misissuinerup ersersissavai. Naalakkersuisut taamaattumik siunertarat aaqqiissutinik eqaannerusumik aamma ullutsinnut tulluarnerusunik, meeqqap naalugiarsuunerani angajoqqaat isumassuiniissannut periarsissaanik tapersiisunik peqarnissaq." Suli naatsorsuutigissavarput aningaasanut inatsisissamut 2027-imoortumut tunngatillugu Naalakkersuisut siunnersuummik suliaqassasut?

A. Taamaappat suliaqarnissamut partiit aggersarneqassappat?

B. Taamaangippat qaqagu siunnersuummik suliaqqaarnermut aningaasaqarnikkut kingunerisassat naammassineqassappat?

AKISSUT:

Apeqqutit ataatsimoortillugit akineqarput.

Meeqqap napparsimanagera ilaqutariippassuarni ajornakusoortumik inissisimalersitsinnaasooq Naalakkersuisut eqqumaffigaat. Meeraq napparsimalerpat, tamanna angajoqqaani suliassatigut misigissutsitigullu anigorniagassaqaalersitsinnaasarpooq, peqatigisaanillu suliffik pisussaaffiillu allat ataqatigiissillugit ulluinnaat ingerlatinniartussaallugit. Taamaattumik meeqqap napparsimanerani angajoqqaat sulinnginnissamut periarfissaqarnissaat pillugu apeqqut ilaqutariippassuarni meerartalinni soqutigineqarmat Naalakkersuisut paasisinnaavaat.

Naalackersuisut peqatigisaanik paasissutissiissutigisinnaavaat 2027-mut Aningaasanut inatsisissamut siunnersuutip (AIS2027) suliarineqarnera suli aallarniutaasumiittoq. Tunngaviusut pingaarnerit aammalu aningaasanut inatsisip suliarineqarnerata ingerlanissaanut piffissamut pilersaarutaagallartoq kisiisa Naalackersuisut maannakkorpiaq isummerfigisimavaat. Aningaasanut inatsisissamut siunnersuummi politikikkut pingaarnersiunerit aalajangersimasut suli aalajangersarneqanngillat.

Aningaasanut inatsisip suliarineqarneranut ilaatillugu missingersuutit nalinginnaasut kiisalu Naalackersuisunut pingaarnersiuinissamut isummernissamut tunngavissiaq ataaseq arlallilluunniit qaammagini aggersuni suliarineqassapput. Aatsaat immikkoortumi tassani suliniutissat suut aningaasanut inatsisissamut siunnersuummi pingaartinneqassanersut Naalackersuisut inaarutaasumik isummerfigisinnaalertussaavaat, ilanngullugu ilaqutariinnut suliffeqarnermullu suliassaqaarfimmi nutaanik suliniuteqartoqassappat.

Tamanna tunngavigalugu meeqqap napparsimanerani sulinnginnissamut angajoqqaat periarfissaqarnerannut sinaakutissat allanngortinneqartut pillugit suliniutissaasinnaasut AIS2027-mi ilaatinneqassanersut, oqaatigissallugu maannakkorpiaq siusippallaarpoq. Taamatutaaq taamaassappat aningaasanut inatsisissap suliarineqarnerata ingerlaneranut atatillugu suliassaq pillugu partiit immikkut politikikkut oqaloqatigiinnissamut aggersarneqassanersut, isummerfiginissaa siusippallaarpoq.

Suliffeqarnermi maleruagassat aaqqissugaanerit pillugu apeqqut suliffeqarnermi illuatungeriit oqaloqatigiinnerisigut ineriartortinneqartariaqartut, Naalackersuisut peqatigisaanik pingaartippaat. Tassani aamma pineqarpoq meeqqap napparsimanerani sulinnginnissaq pillugu apeqqut. Taamatut isiginnittaaseqarneq aaqqiissutissanut suleriaatsimiittunut iluaqutaassaaq aammalu inuusutissarsiornerit sulliviillu akornanni assigiinngissuteqarnerit mianerineqarlutik.

Taamaattumik suliassaqaarfimmi allanngortitsisoqassappat tamanna atitunerusunut ataqatigiissillugu isigineqartariaqarpoq, tassani ilaqutariit meerartallit eqaatsumik ingerlasoqarnissaanik pisariaqartitsinerannik mianerinninnissaq, suliffeqarnermi ingerlanneqartunut aammalu ataatsimoortumik aningaasaqarnikkut sinaakutissanut mianerinninnissamut oqimaaqatigiissaarneqarlutik. Taamaattumik Naalackersuisut suliniutissanut ataasiakkaanut isummernerat AIS2027-p suliarineqarneranut atatillugu suliniutissanik ataatsimoortumik pingaarnersiunerimmi pissusissamisoortumik ilaatinneqassaaq.

Ernereermermi sulinngiffeqartarnermut inatsit Naalackersuisoqarfiit suliassaqaarfiini Meeqqanut, Inuusuttunut Ilaqutariinnullu Naalackersuisoqarfiup ataaniippoq. Naalackersuisoqarfik makkuninnga paasissutissiivoq:

"Ernereermermi sulinngiffeqartarnermut inatsit Naalackersuisoqarfiit suliassaqaarfiini Meeqqanut, Inuusuttunut Ilaqutariinnullu Naalackersuisoqarfiup ataaniippoq. Naalackersuisoqarfiup paasissutissiissutigisinnaavaa ernereermermi sulinngiffeqartarnermut inatsisip atuuttup iluarsaanneqarnerata suliarineqarnera aallartinneqareersoq aammalu ilaqutariinnut meerartalinnut atugassarititaasut nukittorsarneqarnissaat, suliassaqaarfimmi aaqqissuussinerit ullutsinnut naleqqunnerulersinnissaat eqaannerulersinnissaallu pillugit kissaateqarnermi ataatsimoortumik malitseqartitsinerit ilaatillugu suli ingerlanneqarluni.

Suliaqarnermi ilaatinneqarpoq, ataatsimoortumik iluarsaassinissamut periarfissat nalilersorneqarnissaat siunertaralugu, inatsisit atuuttut erseqqinnerusumik misissorneqarnissaat. Tassunga atatillugu ilaatigut ilaatinneqarput, angajoqqaat sulinngiffeqartarnerisa maannakkut sapaatit akunnerinik 21-nik sivilissuseqartup, sapaatip akunnerinut 37-nut sivitsorneqarnissaa pillugu isumaliutersuuteqarnerit. Aammattaaq ataataasunut sulinngiffeqarnerup atugassanngortinneqarnissaa kiisalu ernereermermi sulinngiffeqartarnermut aningaasaateqarfimmi utertitsilluni akiliisarnermut aaqqissuussinerit pitsanngorsarneqarnissai pillugit isumaliutersuutit ilaatinneqarput. Siunertaavoq maleruagassat qanoq aaqqissuunneqarsinnaanerannik qulaajaanissaq, taamaalilluni taakkua meeqqap inuuffiini siullerni ilaqutariit pisariaqartitaat tapersorsorneruneqassallutik.

Suliaqarnermut ilaatillugu ilusilianik isumaliutersuuteqarnermi ilaatinneqartunik inatsisitigut aningaasaqarnikkullu nalilersuisoqassaaq. Naalakkersuisoqarfiup ilassuteqarnera tassunga atatillugu pingaartumik inatsisitigut sinaakkutissanut aammalu iluarsaassisinnaanerup suliassatigut sunniuteqarnissaanut tunngassuteqarpoq, pingaarnersiunerit ataatsimoortut erseqqinnerusut aammalu aningaasanut inatsisitigut suliarinninnerup ingerlaqqinnissaa, nalinginnaasumik politikkikkut aningaasaqarnikkullu suliap ingerlanerata ataaniillutik. Aningaasaqarnikkut sunniutaasussat taamaalillutik suliaqarnerup ingerlasup ilaatut ilaatinneqarput, kisianni suliaqarneq suli naammassineqanngilaq.

Naalakkersuisoqarfik suli suliassaqarfimmut piffissamut pilersaarut atuuttoq aallaavigalugu sulivoq, UKA2027-mi ernereermermi sulinngiffeqartarnermut inatsisit ataatsimoortumik iluarsaanneqarnerata politikkikkut suliarineqarnerata ingerlaqqinnissaa siunnerfigineqarluni. Suliaqarnerup aaqqissuunneqarnerata ingerlaqqinnissaa suliassaqarfimmi politikkikkut pingaarnersiuneq tunngavigalugu pissaaq

Taamaattoq tamatuma saniatigut Naalakkersuisoqarfiup paasissutissiissutigisinnaavaa, suliap ingerlanera maannakkorpiaq unitsikkallarneqarsimammat, tassami suliassaqarfimmi Naalakkersuisumik inaarutaasumik toqqaanissaq utaqqimaarneqarmat.”

2. Naalakkersuisut isumaqarpat isumaqatigiissutit aqutugalugit meerarisap ullormi ataatsimi napparsimanerani angerlasimasinnaatitaanermut tunngasortaa ullutsinnut tulluurtuusoq?

Pisortani suliffeqarnermi sulisut tamarmik, tamanna sullivimmi ingerlatsinermitinneqarsinnaappat, meeqqat napparsimanerani ulloq siulleq aningaasarsiaqarlutik sulinnginnissamut periarfissaqarput. Aningaasaqarnermut Sulisoqarnermullu Aqutsisoqarfik paasissutissiivoq, angajoqqaat amerlanerpaartai periarfissamik taassuminnga atuinissamut akuerineqartartut, aqutsisoqarfiup malugisimagaa. Taamatuttaaq aqutsisoqarfik ataatsimut isigalugu nalilivoq, periarfissaq taamaattoq namminersortuni suliffeqarnermi amerlanerpaani atorneqartartoq.

Naalakkersuisut isumaqarput suliffeqarnermi sulisartut isumaqatigiissutaat isumaqatigiissutillu ilaqutariinnut meerartalinnut atugassarititaasut naapertuunnissaannut ullutsinnullu naleqquttuunissaannut qulakkeereqataanissaat tunngaviumik pingaaruteqartoq. Meeqqap napparsimanerani sulinnginnissamut periarfissaq tassunga atatillugu angajoqqaat pisariaqartumik isumassuinissamut periarfissaqarnerisa tapersernissaanut qitiusunut ilaavoq, pingaartumik meeraq sunnertianerpaalluni pisoqartillugu.

Peqatigisaanik suliffeqarnerup aaqqissugaanerata ingerlaavartumik inuiaqatigiit ineriartorneranni takuneqarsinnaasariaqartoq Naalakkersuisut akuersaarpaat, ilanngullugu ilaqutariit pissusiisa allanngoriartornerat aammalu sulinerup ilaqutariinnerullu akornanni oqimaaqatigiittoqarnissaanik naatsorsuutigisaqarneq. Taamaattumik aaqqissuussinerit atuuttut suli ullutsinnut naleqqunnersut imaluunniit iluarsinissaq pisariaqartinneqarnerisooq, isumaliutersuutiginnissaa naleqquppoq.

Kisianni taamatut nalilersuineq suliffeqarnermi illuatungeriit qanimut oqaloqatigalugit aammalu sulisartunut isumaqatigiissutit inissisimanerat ataqqillugu pisariaqarpoq. Allanngortitsisoqassappat tamatuma tunngavissanik patajaatsunik aallaaveqarnissaa, ilaqutariit meerartallit pisariaqartitaat, sulliviit ingerlanneqarnerat aningaasaqarnikkullu sunniutaasussat nalilersuineri tamarmiusumi ilaatinneqarlutik, Naalakkersuisut pingaartippaat.

A. Itilisiisumik politikikkukut iliuuserineqarsinnaasut nassuiaqquneqarput.

§ 37 naapertorlugu apeqquteqaammur nr. 004-2026-mut akissut tamakkiisoq innersuussutigineqarpoq. Naalakkersuisut akissuteqaammi makkuninnga paasisutissiippat:

"Aaqqissuussinerit meeqqap peqqissuunissaanut ilaqutariillu pisariaqartitaannut sapinngisamik annertunerpaamik ikorfartuillutillu, peqatigisaanik ingerlatsiviit suliffeqarfii illu ingerlanneqarnerannut akisussaaffimmik tigusineri qanoq ilusilerneqarsinnaanerannik oqaloqatigiinnissaaq Naalakkersuisut pitsaasuutippaat.

Suliffeqarnermi pissutsit aallaavittut suliffeqarnermi illuatungeriit akornanni suleqatigiillu malittarisassiuunneqartarnissaat Naalakkersuisut tunngaviusumik isumaqarput, tamannami aaqqiissutinik ulluinnarni pisartunit aallaaveqartunik periarfissiisamat, suliaqarfinnilu assigiinngitsuni atugassarititat assigiinngitsut isiginiarneqartarlutik.

Suliaqarfiiit suliffeqarfimmilu ataatsimi sulisut akornanni equsoornissaaq pinaveersimatinniarlugu, allannguinerit akimuisumik ingerlanneqarnissaat peqatigisaanik piuraneqarneruvoq. Tamanna tunuliaqutaralugu Isumaqatigiissutinut isumalioqatigiissitaq¹ 2022-mi innersuussutigaat, suliatigut peqatigiiffiit isumaqatiginninniarnermut ataatsimoorfiusunik pilersitsinissamat suliniuteqaleqqullugit. Naalakkersuisut taama innersuussuteqarneq suli tapersorsorpaat, aamma taamaattumik nunami suliatigut peqatigiiffiit annerusumik ataatsimoorfeqalernissaat pitsaasumik suli isigissallugu, taakku ataatsimoorussanik isumaqatigiissuteqarnissaaq aamma/imaluunniit isumaqatigiissutit pillugit suliaqarsinnaammata."

"Meeqqap napparsimanerani sulisannginnermut apeqqut inunnut, peqqissutsimut inuiaqatigiillu aningaasaqarnerannut attuumanera, Naalakkersuisut akueraat. Tamanna

¹ Isumaqatigiissutinut isumalioqatigiissitaq siulittaasoqarnikuuvoq Naalakkersuisunit toqqakkamik, pingasunik kommuninit toqqakkanik ilaasortaqluni Namminersorlutillu Oqartussanit toqqakkanik pingasunik ilaasortaqluni. Isumalioqatigiissitap pisortani isumaqatiginninniarnermut aaqqissuussamik aaqqissuusseqqinneq oqaluuseraat. Isumalioqatigiissitap tunngavissiaani innersuutit 32-t uani takukkit: https://naalakkersuisut.gl/Publikationer?types=&subjects=79e0adaf-65a8-41cf-b5cd2f2eb15422c8&page=1&dates=2022&sc_lang=kl-GL

immikkoortuuvog ilaqutariipassuit ajortiasutut eqaatsuunissamillu pisariaqartitsinermik misigiffigisartagaat.

Taamaammat meeqqap, ilaqutariit inuiaqatigiillu ataatsimut isumalluutaat eqqarsaatigalugit sinaakkutit qanoq ineriartortinneqarsinnaanerannik oqaloqatigiinnerit nanginnissaannut Naalakkersuisut ammapput.

Naggataatigut naleqqutissaaq Attassiinnarnissamut Ineriartortitsinissamullu Pilersaarut II-p aningaasarsiornikkut attassisinnaanermut tunngatillugu ilungersunartut qitiulluinnartut pillugit immikkoortut pingaernerit ilaanni tikkuarmagu, innuttaasut amerlassusaannut ukiuisalu katitigaanerannut tunngatillugu innutaasuni ineriartorneq siunissami aningaasaqarnikkut illuutitigullu pilersaarusiornissamut qitiulluinnartuusoq.

Tassunga atatillugu erseqqissarneqarpoq, inuiaat katitigaanerisa ineriartorneranni ilungersunartut pingaernerit naatsorsuutigineqartut ilagigaat kinguaassiorneq annikilliarusaartoq. Naatsorsueqqissaartarfiup kisitsisaataasa nutaanersat takutippaat arnaq ataaseq agguaqatigiissillugu 1,75-inik meerartaartartoq, ungasinnerusorlu isigalugu innuttaasut amerlassusaasa taamaaginnartinnissaa qulakkeerniarlugu, amap ataatsip agguaqatigiissillugu 2,1-inik meerartaartarnissaa pisariaqartoq nalilerneqarsimasoq. Inuit amerlassusaanni kinguariarneq pissutsit assigiinngitsut pissutigalugit kissaatiginangilaq."

3. Meeqqap napparsimanerani angerlarsimasinnaatitaaneq ulloq ataasiusoq ullormik ataatsimik ilaneqarpat aningaasatigut kingunissaa naatsorsorneqarsimava?

Ullormik ataatsimik annertusititsinissap aningaasaqarnikkut naatsorsorneqarnera, sulisartut isumaqatigiissutaannut isumaqatiginninniarnernut tunngatillugu pisortat suliaasaqarfiannut imaluunniit pisortani namminersortunilu suliffeqarneq ataatsimoortoq akimorlugu inuiaqatigiit aningaasaqarneranni misissueqqissaarnertut, suliarineqanngilaq. Tamatuma saniatigut § 37 nr. 004-2026-mi apeqqut 3-mut akissut innersuussutigineqarpoq.

A. Taamaappat nassuiaqquneqarpoq.

Matuma siulianiittut takukkit.

B. Taamaangippat aningaasatigut kingunissaata naatsorsorneqarnissaannut Naalakkersuisut suliaqassappat?

Apeqqummut nr. 4-mut akissut takuuk.

4. Naalakkersuisut nunatsinni sulisartut aamma sulisitsiut kattuffii ilaqutariit sulinermikkut atugassarititaat pillugit aaqqissuusseqqinnissamik siunertaqarlutik oqaloqatigisimavaat?

Apeqqut nr. 2-p ataani paasissutissiissutigineqartutut, angajoqqaat meeqqap napparsimanerani sulinnginnissamut periarfissaannik aaqqissuussinissaq pillugu ammasumik oqaloqatigiinnissaq Naalakkersuisut neriulluarnartutut isigaat. Tamanna tunngavigalugu angajoqqaat napparsimanerme meeqqamik pisariaqartitsinerannut tunngatillugu atugaasa aaqqissuunneqarnerisa siunissami qanoq isikkoqarsinnaanerata oqallisiginissaa pillugu Aningaasaqarnermut Sulisoqarnermullu Aqutsisoqarfiup suliffeqarnermi illuatungeriinnik aggersaanissaq piareersaleruttorpaa. Naatsorsuutigineqarpoq aggersaaneq taanna 2026-mi marts/april ingerlaneranni nassiussorneqassasoq.

A. Taamaappat oqaloqatigiinneq siunnerfeqaqatigiiffiua.

Matuma siulianiittut takukkit.

**B. Taamaaangippat Naalackersuisut pilersaaruteqarpat sulisartut
sulisitsillu kattuffii siunnerfeqaqatigalugit ilaqtariinnut
iluaqtsiisussamik isumaqatigiissusiorsinnaappat?**

Matuma siulianiittut takukkit.

Inussiarnersumik inuulluaqqusillunga

Aqqaluaq B. Egede